

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренијски савјет*

**Rješenje**  
po Prijavi namjere koncentracije privrednog subjekta „Sisecam Chemicals, USA, Inc.

**Sarajevo**  
**Avgust, 2022. godine**



Broj: UP-04-26-1-052-8/21  
Sarajevo, 05.08.2022.godina

Konkurencijsko vijeće Bosne i Hercegovine, na osnovu člana 25. stav (1) tačka e), člana 42. stav (1) tačka d), a u vezi sa članovima 12., 14., 16. i 18. Zakona o konkurenciji („Službeni glasnik Bosne i Hercegovine“, broj 48/05, 76/07 i 80/09), rješavajući po Prijavi koncentracije podnesenoj od strane privrednog subjekta „Sisecam Chemicals, USA, Inc. 1209 Orange Street, Wilmington, Delaware, 19801 Sjedinjene Američke Države, zaprimljenoj dana 6.12.2021. godine pod brojem: UP-04-26-1-052-1/21, na 108. sjednici održanoj dana 05.08.2022. godine, donijelo je

### **R J E Š E N J E**

1. Ocjenjuje se dopuštenom koncentracija na tržištu proizvodnje i prodaje sode (natrijevog karbonata) u Bosni i Hercegovini, koja se odnosi na sticanje direktne kontrole nad privrednim subjektima: (1) Ciner Resources Corporation, 1209 Orange Street, Wilmington, Delaware, 19801 Sjedinjene Američke Države, (2) Atlantic Soda LLC, 251 Little Falls Drive, Wilmington, Delaware, 19808 Sjedinjene Američke Države, i (3) Pacific Soda LLC, 251 Little Falls Drive, Wilmington, Delaware, 19808 Sjedinjene Američke Države, sticanjem većine udjela.
2. Ovo Rješenje o koncentraciji se upisuje u Registar koncentracija.
3. Ovo Rješenje je konačno i bit će objavljeno u „Službenom glasniku Bosne i Hercegovine“, službenim glasilima entiteta i Brčko distrikta Bosne i Hercegovine.

### ***Obrazloženje***

Konkurencijsko vijeće Bosne i Hercegovine (dalje u tekstu: Konkurencijsko vijeće) je dana 6.12.2021. godine pod brojem: UP-04-26-1-052-1/21, zaprimilo Prijavu koncentracije (dalje u tekstu: Prijava), podnesenu od strane privrednog subjekta „Sisecam Chemicals, USA, Inc. 1209 Orange Street, Wilmington, Delaware, 19801 Sjedinjene Američke Države, (dalje u tekstu: Sisecam Chemicals ili Podnosilac prijave), koja se odnosi na sticanje direktne kontrole nad privrednim subjektima: (1) Ciner Resources Corporation, 1209 Orange Street, Wilmington, Delaware, 19801 Sjedinjene Američke Države, (2) Atlantic Soda LLC, 251 Little Falls Drive, Wilmington, Delaware, 19808 Sjedinjene Američke Države, i (3) Pacific Soda LLC, 251 Little Falls Drive, Wilmington, Delaware, 19808 Sjedinjene Američke Države ( dalje u tekstu: Ciljna društva) sticanjem većine udjela u navedenim društvima.

Prijavu je, kao zastupnik privrednog subjekta „Sisecam Chemicals, USA, Inc. 1209 Orange Street, Wilmington, Delaware, 19801 Sjedinjene Američke Države, podnio advokat Zlatan Balta, Fra Anđela Zvizdovića 1, 71000 Sarajevo (dalje u tekstu: Podnosilac prijave).

Podnesena prijava nije bila kompletna, te je na zahtjev Konkurencijskog vijeća od 28.3.2022. godine, dopunjena svim traženim dokumentima uz podnesak broj: UP-04-26-1-052-3/21 od 14.4.2022. godine.

Konkurencijsko vijeće je, u skladu sa članom 16. stav (4) Zakona o konkurenciji („Službeni glasnik BiH“, broj 48/05, 76/07 i 80/09) (dalje u tekstu: Zakon), objavilo u dnevnim novinama Obavještenje o dostavljenoj Prijavi (akt broj: UP-04-26-1-052-4/21 od 19.5.2022.godine), u kojem su objavljeni podaci o koncentraciji, te su pozvane sve zainteresovane strane na dostavljanje pisanih komentara u vezi provođenja iste, što se u predviđenom roku nije dogodilo.

Konkurencijsko vijeće je u smislu člana 30. stav (3) Zakona, izdalo Potvrdu o kompletnoj i urednoj prijavi broj: UP-04-26-1-052-6/21 od 01.08.2022.godine.

Podnosilac prijave je naveo, u smislu člana 30. stav (2) Zakona o konkurenciji („Službeni glasnik BiH“, br. 48/05, 76/07 i 80/09) (dalje u tekstu: Zakon) da je prijava podnesena relevantnom tijelu za zaštitu konkurencije u Sjedinjenim Američkim Državama.

Iz podnesene Prijave moguće je utvrditi sljedeće činjenice:

Prijava namjere koncentracije je podnesena u smislu i u skladu s članom 16. stav (1) Zakona.

## **1. Učesnici predmetne koncentracije**

Učesnici koncentracije po predmetnoj prijavi su privredni subjekti: „Sisecam Chemicals, USA, Inc. 1209 Orange Street, Wilmington, Delaware, 19801 SAD, kao podnosilac prijave, te Ciner Resources Corporation, 1209 Orange Street, Wilmington, Delaware, 19801 SAD, Atlantic Soda LLC, 251 Little Falls Drive, Wilmington, Delaware, 19808 SAD, i Pacific Soda LLC, 251 Little Falls Drive, Wilmington, Delaware, 19808 SAD, kao tri ciljna društva.

Međutim, u konačnici, sticalac krajnje pojedinačne kontrole nad Ciljnim društvima je privredni subjekt Türkiye İş Bankası A.Ş. (dalje u tekstu: Isbank), jer je Podnosilac prijave povezano društvo, pod indirektnom krajnjom kontrolom od strane Isbank. Isbank je jedna od najvećih banaka u Turskoj i prva Turska nacionalna banka, osnovana 1924. godine

Predložena Transakcija se dakle tiče sticanja <sup>1</sup>(..)\*\*.

### **1.1 Privredni subjekt Sisecam Chemicals, USA, Inc., kao kupac**

Privredni subjekt Sisecam Chemicals, USA, Inc., je dio Sisecam Grupe registrovan u Sjedinjenim Američkim Državama i predstavlja društvo kćerku u 100% vlasništvu društva Türkiye Şişe ve Cam Fabrikaları A.Ş. (Sisecam Turska), a koje je dalje pod kontrolom (sa udjelom od 50,93% dionica) krajnjeg sticatelja kontrole, tj. privrednog subjekta Türkiye İş Bankası A.Ş. (“Isbank”). Isbank je većinski dioničar i ima kontrolu nad Sisecam Grupom.

Sisecam Grupa je jedan od vodećih svjetskih proizvođača ravnog stakla (stakla za prozore, staklena vrata, staklene zidove, itd), staklenog posuđa, staklenih pakovanja, staklenih vlakana, automobilskog stakla i povezanih hemikalija. Također je aktivan u nekim drugim oblastima, kao što su energija, recikliranje i rudarstvo.

#### **1.1.1. Povezana društva u Bosni i Hercegovini**

Sisecam Grupa je prisutna u BiH kroz povezano društvo “Sisecam soda Lukavac” d.o.o. društvo za proizvodnju lake i teške (guste) sode i drugih proizvoda na bazi sode (“SSL Lukavac”), sa sjedištem u Prva ulica br. 1, Lukavac, Bosna i Hercegovina, registrovano u privrednom registru Općinskog suda u Tuzli pod MBS: 1-13849, JIB: 4209796740001.

---

<sup>1</sup>(..)\*\* podatak predstavlja poslovnu tajnu

SSL Lukavac upravlja tvornicom za proizvodnju i prodaju teške sode, lake sode i proizvoda na osnovu sode u Lukavcu, sa proizvodnim kapacitetom od oko 600.000 tona godišnje. SSL Lukavac je jedan od najznačajnijih izvoznika iz BiH. Glavni proizvodi koje SSL Lukavac proizvodi su teška (gusta) soda, laka soda i soda bikarbona, koji se koriste kao sirovine za proizvodnju stakla i staklenih proizvoda, deterdženata, hemijskih supstanci, u tekstilnoj industriji, u postrojenjima za preradu voda, u hrani, te u stočnoj hrani.

Nadalje, Sisecam Grupa ima 50% udjela u društvu Rudnik krečnjaka "Vijenac" doo Lukavac ("Rudnik krečnjaka Vijenac"), sa sjedištem u Prva ulica br. 1, Lukavac, Bosna i Hercegovina, registrovano u privrednom registru Općinskog suda u Tuzli pod MBS: 1-11349, JIB: 4209342470000 .Rudnik krečnjaka Vijenac obezbjeđuje sirovine (krečnjak) za proizvodnju u SSL Lukavac.

Preostalih 50% udjela u Rudniku krečnjaka Vijenac su u vlasništvu (..)\*\*.

## **1.2 Ciljno društvo (1) Ciner Resources Corporation, SAD**

Društvo Ciner Resources Corporation je osnovano u skladu sa zakonima države Delaware, SAD. Ovo društvo je vlasnik i upravlja rudnikom sode u Wyoming-u, SAD.

Ovaj privredni subjekt je i prije predmetne transakcije bio dio Ciner Grupe, koja je pod krajnjim vlasništvom i kontrolom fizičkog lica, gdina Turgay Ciner.

Ciner Grupa društava se bavi sličnim djelatnostima kao Sisecam Grupa, te Ciner Grupa predstavlja jedan od najvećih industrijskih konglomerata u Turskoj, koji djeluje u sektorima rudarstva, energije, stakla, hemikalija, medija, pomorstva i turizma. Također je jedan od vodećih svjetskih dobavljača sode.

Privredni subjekt Ciner Resources Corporation nema društava kćerki ili povezanih društava u BiH.

## **1.3 Ciljno društvo (2) Atlantic Soda LLC, SAD**

Privredni subjekt Atlantic Soda LLC, osnovan u skladu sa zakonima države Delaware, SAD, je također dio Ciner Grupe društava, koja je pod krajnjim vlasništvom i kontrolom fizičkog lica, gdina. Turgay Ciner.

Atlantic Soda LLC razvija rudnik sode (..)\*\*.

Ciljno društvo Atlantic Soda LLC nema društava kćerki ili povezanih društava u BiH.

## **1.4 Ciljno društvo (3) Pacific Soda LLC, SAD**

Privredni subjekt Pacific Soda LLC je zajedničko ulaganje pod 50/50 kontrolom Sisecam Grupacije i Ciner Grupacije, koje je osnovano radi razvoja rudnika sode u Green River, Wyoming, SAD. (..)\*\*.

Ciljno društvo Pacific Soda LLC nema društava kćerki ili povezanih društava u BiH.

## **2. Obaveza prijave koncentracije**

Obaveza prijave koncentracije privrednih subjekata, u smislu člana 14. stav (1) tačke a) i b) Zakona, te člana 2. Odluke o načinu podnošenja prijave i kriteriji za ocjenu koncentracija privrednih subjekata („Sl.glasnik BiH“, broj: 34/10), postoji ako ukupni godišnji prihodi učesnika koncentracije ostvareni

prodajom roba i/ili usluga na svjetskom tržištu iznose 100.000.000,00 KM, po završnom računu u godini koja je prethodila predmetnoj koncentraciji, i da ukupan prihod svakog od najmanje dva privredna subjekta učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000,00 KM, ili ako je zajednički tržišni udio učesnika koncentracije na relevantnom tržištu veći od 40,0%.

Prihod učesnika koncentracije za finansijsku godinu 2020, kao godinu koja je prethodila koncentraciji, na svjetskom nivou i nivou BiH, iznosi kako slijedi:

<b>DRUŠTVO</b>	<b>SVIJET (KM)</b>	<b>BIH (KM)</b>
<b>Isbank</b> (krajnji sticalac kontrole)	> 100.000.000,00*	(..)**
<b>Ciner Resources Corporation</b> (Ciljno Društvo 1)	> 100.000.000,00*	0
<b>Atlantic Soda LLC</b> (Ciljno Društvo 2)	0	0
<b>Pacific Soda LLC</b> (Ciljno Društvo 3)	0	0

\*Podnosilac Prijave (..)\*\*.

Sticalac ostvaruje prihod na tržištu BiH kroz poslovne aktivnosti Sisecam Grupacije, odnosno preko privrednog subjekta SSL Lukavac, dok Ciljna društva ne ostvaruju nikakav prihod u BiH.

Finansijski pragovi, definisani članom 14. stav (1) tačka a) i b) Zakona, pod kojim postoji obaveza prijave koncentracije, nisu ispunjeni.

Međutim, s obzirom da krajnji sticalac kontrole predmetne koncentracije, preko povezanog društva u Bosni i Hercegovini, privrednog subjekta SSL Lukavac, ostvaruje više od 40% tržišnog učešća na relevantnom tržištu proizvodnje sode u BiH, smatra se da su ispunjeni uslovi obavezne prijave predmetne koncentracije u smislu Zakona.

Prema navedenim podacima (Tabela 1.) privredni subjekti učesnici predmetne koncentracije ispunjavaju uslove predviđene članom 14. stav (1) tačke a) i b) Zakona, te je postojala obaveza prijave koncentracije u smislu člana 16. stav (1) Zakona o konkurenciji, što je ispoštovano od strane Podnosioca prijave.

### **3. Pravni osnov i pravni oblik koncentracije**

U podnesenoj Prijavi, podnosilac kao Pravni osnov za predloženu transakciju navodi slijedeće ugovore:

1. Ugovor o Kupovini Udjela zaključen između (..)\*\* („Prvi Ugovor“);
2. Ugovor o Kupovini Udjela zaključen između (..)\*\* („Drugi Ugovor“);
3. Ugovor o Kupovini Udjela zaključen između (..)\*\* („Treći Ugovor“).

Namjeravana koncentracija se dakle odnosi na sticanje (..)\*\*.

Slijedom navedenog, pravni oblik predmetne koncentracije jeste sticanje kontrole nad privrednim subjektima, putem kupovine većine udjela osnovnog kapitala, u smislu odredbi člana 12. stav (1) tačka b) pod 1) Zakona.

### **4. Pravni okvir ocjene koncentracije**

Konkurencijsko vijeće je u postupku ocjene koncentracije primijenilo odredbe Zakona, Odluke o utvrđivanju relevantnog tržišta („Službeni glasnik BiH“, broj 18/06 i 34/10), te Odluke o načinu

podnošenja prijave i kriterijima za ocjenu koncentracija privrednih subjekata („Službeni glasnik BiH“, broj 34/10).

### **5. Relevantno tržište koncentracije**

Relevantno tržište koncentracije, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda/usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta u proizvodnom smislu, relevantno tržište obuhvata sve proizvode i/ili usluge koje potrošači i/ili korisnici smatraju međusobno zamjenjivim, pod prihvatljivim uslovima, imajući u vidu posebno njihove bitne karakteristike, kvalitet, uobičajenu namjenu, način upotrebe, uslove prodaje i cijene.

Prema članu 5. Odluke o utvrđivanju relevantnog tržišta, relevantno tržište u geografskom smislu obuhvata cjelokupnu ili dio teritorije Bosne i Hercegovine na kojem privredni subjekt djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuje od uslova tržišne konkurencije na susjednim geografskim tržištima.

Konkurencijsko vijeće je uzelo u obzir navode iz prijave da predmetna koncentracija nema nikakvog efekta na bilo koje tržište proizvoda na geografskom tržištu Bosne i Hercegovine, odnosno da su svi efekti koncentracije prvenstveno ograničeni na teritoriju Sjeverne Amerike ili globalno tržište (ne uključujući BiH).

Međutim istovremeno, krajnji sticalac, Isbank, je aktivan u Bosni i Hercegovini putem (..)\*\*.

Ciljna Društva su društva koja upravljaju ili će upravljati rudnicima sode, što su djelatnosti koje također vrši Sisecam Grupa. Dakle, preklapanje između poslovnih aktivnosti Sticaoca (tj. Sisecam Grupe koja je pod kontrolom Sticaoca) i Ciljnih Društava jeste proizvodnja i prodaja sode (natrijevog karbonata), te su Ciljna Društva aktivna samo na ovom tržištu proizvoda.

Slijedom navedenog, pod relevantnim tržištem predmetne koncentracije, Konkurencijsko vijeće je utvrdilo tržište proizvodnje i prodaje sode (natrijevog karbonata) u Bosni i Hercegovini.

### **6. Analiza tržišta koncentracije**

Prema podacima navedenim u prijavi, krajnji sticalac, privredni subjekt Isbank, je aktivan u BiH putem svog povezano društva Sisecam Grupe, koja je jedan od vodećih svjetskih proizvođača ravnog stakla (stakla za prozore, staklena vrata, stakleni zidovi, itd), staklenog posuđa, staklenog pakovanja, staklenih vlakana, automobilske stakla i povezanih hemikalija.

Konkurencijsko vijeće analizom podataka i relevantne dokumentacije dostavljene uz prijavu koncentracije, utvrdilo je da procijenjeno tržišno učešće privrednog subjekta SSL Lukavac BiH, kao povezanog društva Sisecam Grupacije, na relevantnom tržištu u Bosni i Hercegovini (..)\*\*.

Ciljna društva provode ili će provoditi (..)\*\* sve svoje aktivnosti u (..)\*\*.

Konkurencijsko vijeće je ocijenilo da ne postoje nikakva preklapanja između aktivnosti Sticaoca i Ciljnih društava (..)\*\*.

## **7. Ocjena koncentracije**

Konkurencijsko vijeće je analizom dostavljenih podataka, u smislu člana 17. Zakona, ocijenilo da provedba predmetne koncentracije ne ugrožava konkurenciju na relevantnom tržištu, ne vodi horizontalnom niti vertikalnom preklapanju učesnika koncentracije, s obzirom da Ciljna društva nemaju nikakvih poslovnih aktivnosti, nemaju tržišnog prisustva i ne ostvaruju promet u Bosni i Hercegovini.

Namjeravana koncentracija ima extra-teritorijalne efekte, odnosno reflektuje se prvenstveno na tržište Sjedinjenih Američkih Država, s obzirom na činjenicu da će Ciljna društva sve svoje sktivnosti proizvodnje i prodaje sode (natrijum karbonata) provoditi u Sjedinjenim Američkim Državama.

Konkurencijsko vijeće je zaključilo da provođenjem predmetne koncentracije neće doći do bilo kakve promjene ni uticaja na konkurenciju na teritoriji Bosne i Hercegovine ili na njenom značajnijem dijelu, te da se neće stvarati novi ili jačati postojeći dominantni položaj, jer će tržišni udio Sticaoca, putem Sisecam Grupe odnosno povezanog društva - SSL Lukavac BiH, na tržištu proizvodnje i prodaje sode (natrijevog karbonata) u Bosni i Hercegovini, ostati isti i nakon provođenja koncentracije.

Imajući u vidu navedeno, Konkurencijsko vijeće je odlučilo kao u tački 1. dispozitiva ovoga Rješenja..

## **8. Administrativna taksa**

Podnosilac prijave na ovo Rješenje, u skladu sa članom 2. Tarifni broj 107. tačka d) alineja (1) Odluke o visini administrativnih taksi u vezi sa procesnim radnjama pred Konkurencijskim vijećem („Službeni glasnik Bosne i Hercegovine“ broj 30/06, 18/11 i 75/18) je dužan platiti administrativnu taksu u ukupnom iznosu od 5.000,00 KM u korist Budžeta institucija Bosne i Hercegovine.

## **9. Pouka o pravnom lijeku**

Protiv ovog Rješenja nije dozvoljena žalba.

Nezadovoljna strana može pokrenuti upravni spor pred sudom Bosne i Hercegovine u roku od 30 dana od dana prijema, odnosno objave ovog Rješenja.

**Predsjednik**

**Nebojša Popić**